



TOSHKENT DAVLAT YURIDIK UNIVERSITETI REKTORINING B U Y R U G ' I

2020 -yil « 04 » sentabr

02-112-son

Тошкент давлат юридик университетида 2020/2021 ўқув йилини масофавий (онлайн) шаклда бошлаш тўғрисида

Ўзбекистон Республикаси Президенти Ш.Мирзиёев раҳбарлигида 2020 йил 6 август куни ўтказилган видеоселектор йиғилишининг 62-сонли баёнида белгиланган вазифалар ижросини ҳамда Ўзбекистон Республикаси Олий ва ўрта махсус таълим вазирининг 2020 йил 24 августдаги 451-сонли буйруғи ижросини таъминлаш мақсадида

Б У Ю Р А М А Н:

1. Ўзбекистон Республикаси Олий ва ўрта махсус таълим вазирининг 2020 йил 24 августдаги “Республика олий таълим муассасаларида 2020/2021 ўқув йилини масофавий (онлайн) шаклда бошлаш тўғрисида” 451-сонли буйруғи маълумот ва ижро учун қабул қилинсин.

2. Тошкент давлат юридик университетида 2020/2021 ўқув йили масофавий (онлайн) шаклда бошлансин.

3. Факультет деканлари узоқ ҳудудларда яшовчи талабаларга жойлардан туриб онлайн таълим жараёнида иштирок этишга шароит яратиш мақсадида ҳар бир туман (шаҳар)да жойлашган таълим муассасаларида юқори тезликдаги интернет тармоғига уланган махсус шароитларга ҳудудий таълим марказлари (“access point”) яратишга қаратилган манзилли чора-тадбирлар амалга оширилганлиги, шунингдек масофавий таълим олиш имконияти чекланган ТДЮУ талабалари учун Ўзбекистон Республикаси Адлия вазирлиги билан ҳамкорликда туман (шаҳар) адлия бўлимлари ҳамда давлат хизматлари агентлиги туман (шаҳар) бўлимларида тегишли шароитлар яратилганлигини талабалар эътиборига етказсин.

3. Ўқув-услубий бошқарма (А.Тошпулатов), факультет деканлари:

масофвий таълим жараёни ўқув режадаги фанлар бўйича тасдиқланган дарс жадваллари асосида йўлга қўйилишини;

дарс жадваллари университет расмий веб-саҳифасига, масофавий таълим платформасига жойлаштирилишини;

масофавий (онлайн) шаклда ўқув жараёни Олий ва ўрта махсус таълим вазирининг 2020 йил 27 мартдаги “Олий таълим муассасаларида масофавий таълимни жорий этиш тўғрисида”ги 233-сон буйруғи, Ўзбекистон Республикаси Адлия вазирлиги ва Олий ва ўрта махсус таълим вазирлигининг 2020 йил 3 апрелдаги “Карантинга оид чоралар амал қилиши даврида Ўзбекистон Республикаси Адлия вазирлиги тизимидаги таълим муассасаларида ўқув жараёнини масофавий шаклда самарали ташкил этиш чоралари тўғрисида”ги 22/1-1/1488; 26Қ/Қ-сон қўшма қарори ҳамда ТДЮУ Кенгашининг 2020 йил 3 апрелдаги қарорлари асосида ташкил қилишни;

ўқув жараёнига оид меъёрий ҳужжатларни, ўқув адабиётларини электрон форматга ўтказилишини ва масофавий таълим платформасига жойлаштирилишини таъминласин.

4. Таълим сифатини назорат қилиш бўлими (Ш.Якубов) масофавий (онлайн) шаклда ташкил этилаётган ўқув машғулоти тўлиқ мониторингини олиб бориш ва таълим сифатини талаб даражасида таъминлаш бўйича университет ректорига ҳар ҳафталик таҳлилий маълумотлар киритиб борсин.

5. Мазкур буйруқ ижросининг назорати ўқув ишлари бўйича проректор И.Рустамбеков зиммасига юклансин.

Ректор

Р.Ҳакимов



Лойиҳа киритилди:

Ўқув-услубий бошқарма
бошлиғи

А. Тошпулатов

Келишилди:

Ўқув ишлари бўйича
проректор

И. Рустамбеков

Таълим сифатини назорат
қилиш бўлими бошлиғи

Ш.Якубов

Юрисконсульт

А. Сафаров